



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

Reverendissimo & Celsissimo Domino, D. Jodoco Edmundo S. R. I. Principi,
Hildesiensi Episcopo, &c. ...

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

Reverendissimo & Celsissimo Domino,
D. JODOCO EDMUNDO

S. R. I. Principi, Hildesienfi
EPISCOPO, &c.

Domino suo Clementissimo.

Reverendissimo & Celsissimo Domino,
D. HERMANNO WERNERO

S. R. I. Principi, Episcopo Pa-
derbornensi, &c. Cathedralis

Ecclesiae Hildesienfis

PRÆPOSITO.

Reverendissimo & Perillustri Domino
MAXIMILIANO HENRICO JOSE-
PHO L. B. de & in WEICHS,
Cathedralis Ecclesiae Hildesienfis DECANO.

Reverendissimo & Perillustri Domino
CHRISTIANO THEODORO
à PLETTENBERG SCHOLASTICO.

Reverendissimo & Perillustri Domino
NICOLAO EVERHARDO
à SCHNETLAGE SENIORI.

Ceterisque Reverendissimis ac Perillu-
stribus ejusdem Cathedralis Ecclesiae

DD. Canonicis Capitularibus,

Dominiis suis Gratiofissimis.

Præ-

PRæcellas Ecclesiarum Cathedralium turres exornare solet Horologium mole majus, arteque præstantius, secundum quod cætera Civitatis horologia minora diriguntur: quo aberrante, facilè aberrant, quo rectè currente ac sonante, rectè & ipsa incedunt ac resonant. Ejusmodi Horologia grandia non immeritò Episcopos, Præpositos, Decanos, ceterosque Ecclesiarum Cathedralium Prælatos ac Canonicos Capitulares esse dixerim; à provida supremi Horologarii manu in honorum fastigio collocatos; ut Clericos, aliósque subditos sibi commissos faciliùs dirigant; atque ab iisdem velut ex eminentiore loco commodiùs & conspiciantur oculis, & auribus percipiantur. Illorum mores & vita, si velut rotæ Horologii perfecti, ordinatè moveantur; subditi tanquam horologia minora, ad suum principale directi, nullo negotio insequuntur; ac rectè loquendo, Deùmque laudando rectè sonant: justè & piè vivendo, justas piásque omnium horarum actiones exhibent, ac vitæ periodum sine offensa decurrunt.

Reve

Reverendissimi ac Celsissimi Principes:
nec non Reverendissimi ac Perillustres
Domini: cum circumspicerem quibusnam
Patronis Horologium hoc spirituale de-
dicarem; non una occurrit ratio, haud aliis,
quam vestris sacratis, gratiosissimisq; ma-
nibus illud, quam demissimè offerendū.

Et Prima quidem fuit, jam ante insinua-
ta: cum enim Celsissimæ & Reverendissi-
mæ, Perillustres & Gratiolæ Dignitates ve-
stræ in Ecclesia Hildesienfi sublimium in-
star Horologiorum emineant; quæ in cho-
ro & foro, pedo & gladio, potestate & sol-
licitudine, consilio & auxilio, verbo & ex-
emplo subditos dirigant; in animum in-
duxi meum, Libellum hunc ceu Horolo-
giolum quoddam sciatericum ac solare
Vobis velut Horologiis majoribus, non
tam in horto, quam in oratorio templōve
posse deservire, ad horas diurnas ordinan-
das, functionesque Ecclesiasticas ad perfe-
ctionis Christianæ amissim peragendas;
eo fine, ut quemadmodum ceteris digni-
tate & honore præstatis; ita & perfectione
operum & sanctitate præcellatis; implen-
tes illud Ecclesiastici monitum c. 33. *12*

*omnibus operibus tuis præcellens esto: non sine ingenti gloriæ divinæ & propriæ in cælis obtinendæ incremento. Vos enim estis in Hierarchiæ Ecclesiasticæ apice collocati, Episcopi, Principes, Duces, Magistri, Medici, & Pastores Fidelium, non modò secularium, verùm etiam Sacerdotum & Ecclesiasticorum, Vos Dei Altissimi vi-ces geritis: quemadmodum enim Is, ut docet S. Dionysius Areop. Hierarch. Angel. c. 5. Est summa puritas, summa lux & summa perfectio, purificans, illuminans & perficiens suas creaturas, Angelos & Homines: ita & Vos munditiâ vitæ, lumine scientiarum & splendore virtutum ex officio subditos vestros, Angelos & Homines; id est Sacerdotes & seculares, purgatis, illuminatis, perficitis: quo quid esse potest excellentius aut sublimius? siquidem ut l. c. ait S. Dionysius: *nihil divinius, quàm Dei esse adiutorem.* Quàm verò hoc munus arduum sit, vel ipsum Concilium Tridentinum innuit sess. 6. Decreto de Reform. c. 1. *Ecclesiarum regimen & Prælationem appellans: Onus Angelicis humeris formidandum: horrendum enim est,*
inquit*

inquit, *tot animarum onus portare, & earum omnium rationem reddere debere.*

Ratio altera ad inscribendam Nomini & honori vestro hanc opellam meam fuit, ut autoritate & exemplo vestro; etiam Sacerdotes & Clerici, tam Vobis commissi, quam alii plurimi, officia sua Sacerdotalia & Clericalia in pondere, numero, & mensura perfectè obirent, Concilii Tridentini iussis obsequentes. sess. 22. c. 1. de Reform. *Sic decet omnino, Clericos in sortem Domini vocatos, vitam, moresq; suas componere. ut habitu, gestu, incessu, sermone aliisq; omnibus rebus, nil nisi grave, moderatum, ac religione plenum præ se ferant.* Quin & eò collimavit intentio mea, ut Secularibus quoq; hoc Horologium (paucis vel mutatis vel omissis) horarum, negotiorum, studiorum, & vitæ rectè instituendæ ordinem, modumq; indicaret, potissimum verò, precationis & intentionis, exhomologeseos & Synaxeos, auditionis Sacri & examinis, aliarumq; actionum spiritualium praxes suppeditaret. Atque hi à Sacerdotum sanctè viventium (qui sunt Lux mundi, Sal terræ, Speculum vitæ, for-

ma gregis, & populi amissis) potenti exemplo animati, ad vitæ perfectioris normam & imitationem excitarentur : nam ut fatetur prædictum Concilium Trid. l. c. *Nihil est, quod alios magis ad pietatem & Dei cultum assidue instruat, quam eorum vita & exemplum, qui se divino ministerio dedicarunt: cum enim à rebus sæculi in altiorem sublatis locum conspiciantur, in eos tanquam in speculum reliqui oculos conjiciunt, ex eisque sumunt, quod imitentur.*

Tertia denique ratio me impulit; ut scilicet, ob tot, tantæque beneficia, à Præsulibus, totoque Cathedrali Capitulo vestro in hoc Collegium nostrum (in quo me obedientia collocavit) indefinenter profecta, animum gratum demonstrarem: operâ enim & favore vestro Anno 1587. in subsidium huc evocati primi Societatis nostræ operarii, ut hæresi invalescenti, unâ Vobiscum sese opponerent. Sub umbra vestra varios inter turbines & tempestates, Societas nostra Hildesienfis primum seculum feliciter emensa, & secundum recen-ter ingressa est. Sub umbra vestra hæctenus
pacatè

pacatè requiescit Collegium, viget templum, floret Gymnasium. Quidni igitur Celsissimi Principes, & Perillustres Domini, Horologium hoc Sacerdotale, in gratiosissimas manus vestras demississimè consignem; ut fines antedictos, protectione & favore vestro, assequatur? Suscipite igitur benevolè munusculum hoc in grati animi signum & observantiæ perennis mnemoteron; nec illud intueri subinde, dedignamini: si enim & à Vobis præsertim portari, manibus teri, atque oculis usurpari cum fructu spirituali & immortali merebitur; singularibus quodammodo radiis illustratum, inauratumque se jure existimabit. Faxit id Divina Bonitas, Vestrasque Celsitudines ac Dignitates diu sospitet, ac servet incolumes. Eâ spe fretus finio, permanens, dum vivam.

*Reverendissimarum & Celsissimarum,
Reverendissimarum quoque & Perillustrissimarum
Dominationum Vestrarum*

Servus in Christo humillimus

JOANNES DIRCKINCK S. J.

A S

AP.